


المريد

المريد



محمد راضي روبي

الشاعر في سطور

— محمد راضي روبي

— من مواليد محافظة الفيوم عام ١٩٩٧

رئيس اللجنة الثقافية في اتحاد كلية آداب جامعة الفيوم
لعام ٢٠١٨

— وكيل نادي " أدبيات " وهو نادي أدب بداخل جامعة الفيوم

— حصل على عدة جوائز منها المركز الأول على مستوى
محافظة الفيوم في مهرجان الفيوم القومي ٢٠١٧

— وحصل على المركز الثالث في الشعر العامي على مستوى
إقليم شمال الصعيد والقاهرة الكبرى، الهيئة العامة لقصور
الثقافة ٢٠١٨

— المركز الخامس في الشعر العامي في مسابقة أمير الشعراء
جامعة الفيوم ٢٠١٨

— ونُشرت له عدة قصائد في اليوم السابع والفيديو والأخبار
المصرية

المريد
(تقوى)

مبتسبهيش منهم

إنك يا دوب

من جنس حوا المفتخر

صوتك بتول

بيطيب الريق اللي ناشف ف المنام

ويمسي ع الركن اللي باقي ف المزاج

بالدروشه

تنبت شفايفك من نبل ريفك الصباح

ف تعطري الجو المبنج بالفتن

وأنا كنت باجي ف الصباح

أسند عيوني ليكي قربان النظر



تضحك يطير ورد ف بياض السما
تشهق عنيا بالفرح
وأتمنى إنك تلمحيني
ف أبتسم..
وأنا قلبي كان فستان سهر ..
يترجي إنك تلبسيه
" ياست إيه ده كل ده يا أم البشاير والفدا"
كنت بغير
الكل يجي يحكي ليكي عن خنقته
فبتسمعي وتطبيبي
خاطر أملهم اللي غاب
وأنا هنا
مطروود واقف من بعيد

خايف أقدم خطوتي
ظنيتي ليه إني بهينك بالكلام
من غير ما حتى تسمعي مني اللي كان
ومعدش قربى بيحدي ليكي أي شيء
غير الندم..
وأنا المريد المرتدي زي الشجن
ده إنتي..
اللي قال رب الفؤاد عنك ف دين الأنبياء
شمس وضحي..
فين الضحي؟ وأنا روحي صبحت
طفاية الوقت اللي ضاع
قولتي ليه إن قلبك غار حراء
ف قولتلك



ضميني فيه.. وسلطي شغفك عليه

ليستر وحدتي..

الهجرة كانت مقصدي

مني إليكي

ف هاجرت فيكي

وكنت أول من أجاب

من دعوتك

ليه بتقبلي ودا اللي كان بيخنفك

وأنا ودي هان منك عشان

لحظة ملل

الوحدة عادت مطرحي

منبع كابوس عرى ضلوعي للبنادق

وساب فراغه للخيال ..

ف متحديش عني الطريق..
وتعودي من نص النصيب
وتقفلي باب اللجوء
وإنتي هنا وافقة تجسي
في الحقيقة وتهربي
وأنا قلبي جس
نبضك فعاش الحقيقة وصدقك
قدمت ليكي الحب من نظرة ضعيف
ف إزاي تقولي الحب ده.. كان كيف
فجأة صحي!
مع إن آدم غلط
ومكانش ليه أي بصمة تسبب وراه
إنه غوى

غير إن كاميرا الإله فتننت عليه
فأنا كذبي كان فتنة فراقنا بالغلط
قطعتي ليه كل الوعود؟
مع إن آدم.. الإله تاب عليه
"كيف الطريق إلى وصالك دليني"
متضلننش..
القلب حانة للغلابه
والتوبة حاضرة
والحضرة محروم منها
وأنا توبتي كات بمثابة الكوشة اللي تعلن الندم
"وأنا قالوا إيه ده كل ده
هنقول مدد يا سيدة"
ف أحدف يمين

الحب مش مخلوق عشان نسقيه فراق
وأحدف شمال
وأنا قلبي كان من يوم فراقنا إنشطر ...
ليه بتبعدي؟
ويحول ما بينا ..
علامة تقطع اليقين بشك
من بعدها لميت عيوني
م النظر
وقعدت مرهون أنتظر